

ქ. თბილისის მთაწმინდის რაიონის გამგეობა



ელექტრონული ტენდერის საშუალებით

ქ. თბილისში, მთაწმინდის რაიონის ტერიტორიაზე (კოჯორი, კიკეთი, შინდისი, ოქროყანა) გზის საფარის აღდგენა-რეაბილიტაციის სამუშაოების საპროექტო დოკუმენტაციის შედგენის სახელმწიფო შესყიდვის

სატენდერო დოკუმენტაცია

ქ. თბილისი
2013 წელი

სარჩევი

1. ინფორმაცია ტენდერში მონაწილეობის	3
2. ტექნიკური დოკუმენტაცია	3
3. სახელმწიფო შესყიდვის შესახებ ხელშეკრულების პროექტი	5
4. დამატებითი ინფორმაცია	10
5. დანართი №1, აფიდავიტის საილუსტრაციო ფორმა	11
6. დანართი №2	12
7. დანართი №3, ინფორმაცია პრეტენდენტის გამოცდილების შესახებ	13
8. დანართი №4, ფასების ცხრილი	14

1. ინფორმაცია ტენდერში მონაწილეობის

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. იხ. <http://procurement.gov.ge/>.

2. ტექნიკური დოკუმენტაცია

2.1. შესყიდვის ობიექტის აღწერა და ტექნიკური დავალება:

2.1.1. მოსამზადებელია შემდეგ მისამართებზე მდებარე გზის საფარის აღდგენა-რეაბილიტაციის სამუშაოების საპროექტო დოკუმენტაცია (სავარაუდო საერთო ფართობი შეადგენს 35000 კვ.მეტრს, რომელიც უნდა დაზუსტდეს საპროექტო დოკუმენტაციის შედგენის დროს):

№	მისამართი
1	სოფ. წაგვისი, ა. წერეთლის ქუჩა, I-II-ე ჩიხები
2	სოფ. წაგვისი, ფიროსმანის ქუჩა და I ჩიხი
3	სოფ. წაგვისი, გიორგი ბრწყინვალეს ქუჩა
4	დაბა კოჯორი, გრიგოლ ორბელიანის ქუჩა (ბაქრაძის ქუჩის შემდეგ)
5	დაბა კოჯორი, იუნკერების III ჩიხი
6	დაბა კოჯორი, უძოს ქუჩა
7	დაბა კოჯორი, ვაჟა ფშაველას I შესახვევი
8	დაბა კოჯორი, ვაჟა ფშაველას IV შესახვევი
9	დაბა კოჯორი, ვაჟა ფშაველას ქუჩა III შესახვევიდან ბოლომდე
10	სოფ. კიკეთი, დიდების ქუჩა და I შესახვევი
11	სოფ. კიკეთი, დიდგორის ქუჩა, I შესახ, I ჩიხი
12	სოფ. კიკეთი, სამპანტების ქუჩა
13	სოფ. კიკეთი, ამაღლების ქუჩა
14	სოფ. ოქროყანა, ე. თაყაიშვილის ქუჩა
15	სოფ. ოქროყანა, ვაჟა ფშაველას ქუჩა
16	სოფ. შინდისი, ი. მანსვეტაშვილის ქუჩა
17	სოფ. შინდისი, ი. მანსვეტაშვილის I და II შესახ.

2.1.2. საპროექტო დოკუმენტაციის შედგენა ითვალისწინებს:

№	ტექნიკური დავალება
1	გზის საფარის ტექნიკური მდგომარეობის შესწავლა.
2	სათანადო საკლევ-საძიებო სამუშაოების საფუძველზე საინჟინრო-გეოლოგიური დასკვნის მომზადება (საჭიროების შემთხვევაში)
3	ტოპოგრაფიკული
4	ატმოსფერული ნალექის და წყლის აცხილების ღონისძიებების დაგეგმვა.

5	გრძივი და განივი პროფილების დაპროექტებისას ქანობების ნორმებთან შესაბამისობაში მოყვანა და მიერთებების გათვალისწინება
6	საპიკეტო უწყისის შედგენა
7	არსებული სანიაღვრე არხების და ქსელების შესწავლა, საჭიროების შემთხვევაში ახლის დაპროექტება
8	მიწისქვეშა კომუნიკაციების (სახურავები) ნიშნულების განსაზღვრა და გეგმაზე დატანა
9	საინჟინრო ნაგებობების (საყრდენი კედელი, სანიაღვრე კოლექტორი, სანიაღვრე არხი, სანიაღვრე კიუვეტი, დრენაჟი და სხვა) დაპროექტება (საჭიროების შემთხვევაში)
10	სამუშაოთა მოცულობების კრებსითი უწყისის შედგენა
11	საჭირო მანქანა-მექანიზმების ანგარიში
12	კალენდარული გრაფიკის შედგენა
13	საგზაო სამოსის კონსტრუქციის შერჩევა ქუჩაზე არსებული ინტენსივობისა და ღერძული დატვირთვის გათვალისწინებით
14	მუშა ნახაზების (მ.შ. გეგმები, პროფილები, კვანძები, ჭრილები და ა.შ.შ) მომზადება
15	არსებული ნორმების საფუძველზე რესურსული მეთოდით ხარჯთაღრიცხვის შედგენა მიმდინარე და საბაზრო ფასებით
16	სრული საპროექტო დოკუმენტაციის (მ.შ. მშენებლობის ორგანიზაციის პროექტის) წარმოდგენა ელექტრონული ვერსია (DWG და PDF ფორმატში) და ნაბეჭდი სახით (ოთხ ეგზემპლარად)
17	საპროექტო სამუშაოების დაწყებამდე და მუშა დოკუმენტაციის შედგენის დროს, საპროექტო გადაწყვეტილების შესათანხმებლად პროექტის ავტორი ვალდებულია დაუკავშირდეს შემსყიდველს და საექსპლუატაციო ორგანიზაციის წარმომადგენელს

2.2. შესყიდვის ობიექტის მიწოდების ვადები, პირობები და ადგილი:

შესყიდვის ობიექტის მიწოდების საბოლოო ვადაა 2013 წლის 20 დეკემბერი. შესყიდვის ობიექტის მიწოდების ადგილია: ქ. თბილისი, კმ. ზუბალაშვილების ქ. №48. საპროექტო სამუშაოების დაწყებამდე და მუშა დოკუმენტაციის შედგენის დროს, საპროექტო გადაწყვეტილების შესათანხმებლად პროექტის ავტორი ვალდებულია დაუკავშირდეს შემსყიდველს.

2.3. მოთხოვნები პრეტენდენტის გამოცდილების შესახებ:

2011 წლის 1 იანვრიდან გაწეული ანალოგიური მომსახურების საერთო ღირებულება არ უნდა იყოს 50000 (ორმოცდაათათასი) ლარზე ნაკლები.

2.4. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.

2.5. პრეტენდენტის მიერ სისტემაში ასატვირთი დოკუმენტების ჩამონათვალი:

- რეკვიზიტები და სატენდერო წინადადების ფასი (დანართი №2);
- ინფორმაცია პრეტენდენტის გამოცდილების შესახებ (დანართი №3);
- გასაწევი მომსახურების ფასები (დანართი №4).

- პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას რომელიც აღწერილია სატენდერო დოკუმენტაციაში. განსხვავებული შეთავაზება პრეტენდენტის მიერ წარმოდგენილი უნდა იქნას სატენდერო წინადადების სისტემაში ატვირთვის დროს. ამასთანავე, განსხვავებული შეთავაზება არ უნდა აუარესებდეს შემსყიდველის პირობებს.

**ხელშეკრულება სახელმწიფო
შესყიდვის შესახებ № (პროექტი)**
(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს
ტენდერში გამარჯვებულ პრეტენდენტთან ხელშეკრულების გაფორმების დროს)

ქ. თბილისი

– ----- 2013 წელი

ერთის მხრივ ქ. თბილისის მთაწმინდის რაიონის გამგეობა, მისამართი: ქ. თბილისი, ძმ. ზუბალაშვილების ქ. №48 (შემდგომში „შემსყიდველი“), რაიონის გამგებლის – ნიკანორ მელიას სახით და, მეორე მხრივ, შპს „-----“, ს/კ -----, მისამართი: ქ. თბილისი, ----- (შემდგომში „მიმწოდებელი“), დირექტორის – ----- სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1. შესყიდვის ობიექტია: ქ. თბილისში, მთაწმინდის რაიონის ტერიტორიაზე (კოჯორი, კიკეთი, შინდისი, ოქროყანა) გზის საფარის აღდგენა-რეაბილიტაციის სამუშაოების საპროექტო დოკუმენტაციის შედგენა ტექნიკური დოკუმენტაციის 2.1.2. პუნქტის შესაბამისად (CPV71300000).

2. ხელშეკრულების საერთო ღირებულება

- 2.1. ხელშეკრულების საერთო ღირებულება შეადგენს --- ლარს.
- 2.2. ხელშეკრულების საერთო ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.
- 2.3. შესყიდვის ობიექტის ერთეულის ფასები მოცემულია ხელშეკრულების დანართში.

3. შესყიდვის ობიექტის მიწოდების ვადები, ადგილი და პირობები

- 3.1. შესყიდვის ობიექტის მიწოდების საბოლოო ვადაა 2013 წლის -----.
- 3.2. შესყიდვის ობიექტის მიწოდების ადგილია: ქ. თბილისი, ძმ. ზუბალაშვილების ქ. №48.
- 3.3. შესყიდვის ობიექტი მიწოდებულად ითვლება ორმხრივ ხელმოწერილი მიღება-ჩაბარების აქტის გაფორმების შემდეგ.

4. ხელშეკრულების მოქმედების ვადა

- 4.1 ხელშეკრულება ძალაშია -----.

5. შესყიდვის ობიექტის მიღება-ჩაბარების წესი

5.1. შემსყიდველის მიერ ხელშეკრულების ობიექტის მიღება ფორმდება მიღება-ჩაბარების აქტით შემსყიდველის და მიმწოდებლის უფლებამოსილი წარმომადგენლების ხელმოწერით.

5.2. თუ შესყიდვის ობიექტი არ აკმაყოფილებს შემსყიდველის მოთხოვნებს, იგი უფლებამოსილია საგარანტიო პერიოდში მოითხოვოს არსებული ხარვეზების გამოსწორება. ხარვეზების გამოსწორებამდე შემსყიდველი უფლებამოსილია უარი თქვას ხელშეკრულებით გათვალისწინებული სანაცვლო ვალდებულებების შესრულებაზე, რის შესახებაც მიმწოდებელს ეცნობება წერილობით.

5.3. გამოვლენილი დეფექტის ან ნაკლის აღმოფხვრასთან დაკავშირებული ხარჯების, ასევე მესამე პირის დაზიანებული საქონლის ღირებულების ანაზღაურება ეკისრება „მიმწოდებელს“.

5.4. მიღება-ჩაბარების აქტის გაფორმებასთან ერთად შემსყიდველს წარედგინება ანგარიშსწორებისათვის საჭირო ყველა სხვა დოკუმენტი.

6. შესყიდვის ობიექტის ხარისხი და გარანტია

6.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2. შესყიდვის ობიექტს არ უნდა გააჩნდეს უფლებრივი ან/და ნივთობრივი ნაკლი რომელიც აუარესებს მისი გამოყენების მაჩვენებელს.

6.3. „შემსყიდველი“ ვალდებულია წერილობითი ფორმით დაუყოვნებლივ აცნობოს „მიმწოდებელს“ ნაკლის აღმოჩენის შესახებ.

6.4. შეტყობინების მიღების შემდეგ „მიმწოდებელი“ ვალდებულია შემსყიდველის მიერ მითითებულ ვადაში აღმოფხვრას არსებული დეფექტები საკუთარი ხარჯით. მიმწოდებელს დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.

6.5. თუ „მიმწოდებელი“ ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

7. ანგარიშსწორების ფორმა, გრაფიკი (ვადები) და ადგილი

7.1. „მიმწოდებელთან“ ანგარიშსწორება განხორციელდება ლარში;

7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3. წინასწარი ანგარიშსწორება გათვალისწინებული არ არის.

7.4. ანგარიშსწორება „შემსყიდველის“ მიერ მოხდება შესყიდვის ობიექტის მიწოდებისა და წინამდებარე ხელშეკრულების 5.4. მუხლში მითითებული დოკუმენტაციის წარმოდგენის შემდეგ არაუმეტეს 10 (ათი) საბანკო დღის ვადაში.

7.5 იმ შემთხვევაში თუ „მიმწოდებელი“ დაარღვევს შესყიდვის ობიექტის მიწოდების ვადებს ან სხვა გარემოებების გათვალისწინებით დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

7.6. ანაზღაურების ადგილია ქალაქი თბილისი.

8. მხარეთა უფლება-მოვალეობანი

8.1. „შემსყიდველი“ ვალდებულია:

- გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;
- მიღება-ჩაბარების აქტის გაფორმებიდან 60 დღის ვადის გასვლის შემდეგ მისი დაუფინანსებლობის შემთხვევაში აუნაზღაუროს „მიმწოდებელს“ ის შესაძლო საჯარიმო სანქციები, რაც დაერიცხება მას არსებული საგადასახადო კანონმდებლობის თანახმად.

8.2. „შემსყიდველს“ უფლება აქვს:

- განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;
- საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

8.3 „მიმწოდებელი“ ვალდებულია:

- დაიცვას ხელშეკრულებით გათვალისწინებული ყველა პირობა;
- დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;

8.4. „მიმწოდებელს“ უფლება აქვს:

- მოთხოვოს „შემსყიდველს“ გაწეული მომსახურების შუალედური და საბოლოო ანაზღაურება ხელშეკრულებით გათვალისწინებული პირობებით.

9. მხარეთა პასუხისმგებლობა ხელშეკრულების დარღვევისას

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 ხელშეკრულებით განსაზღვრული ვადების დარღვევის შემთხვევაში ყოველი დაგვიანებული დღისათვის დამრღვევ მხარეს ეკისრება პირგასამტეხლო ხელშეკრულების საერთო ღირებულების 0,2 პროცენტის ოდენობით. იმ შემთხვევაში, თუ „მიმწოდებლის“ მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3 პროცენტს, „შემსყიდველს“ უფლება აქვს შეწყვიტოს ხელშეკრულება.

9.3 შემსყიდველი უფლებამოსილია შეწყვიტოს ხელშეკრულება ნაკისრი ვალდებულებების შეუსრულებლობის შემთხვევაში. აღნიშნულ შემთხვევაში, „მიმწოდებელს“ ეკისრება პირგასამტეხლოს გადახდა ხელშეკრულების საერთო ღირებულების 10 პროცენტის ოდენობით;

9.4. თუ შესყიდვის ობიექტის ხარისხი არ შეესაბამება მოთხოვნას, „მიმწოდებელი“ ვალდებულია უსასყიდლოდ მოახდინოს ნაკლის გამოსწორება 5.2. და 5.3. პუნქტებით გათვალისწინებული წესით. თუ იგივე ფაქტი განმეორდება, „მიმწოდებელს“ ნაკლის გამოსწორებასთან ერთად ეკისრება ჯარიმა ხელშეკრულების საერთო ღირებულების 0,5 პროცენტის ოდენობით. მესამედ იგივე შემთხვევა იწვევს „მიმწოდებლის“ დაჯარიმებას ხელშეკრულების საერთო ღირებულების 2 პროცენტის ოდენობით და „შემსყიდველს“ უფლება აქვს შეწყვიტოს ხელშეკრულება და უარი განაცხადოს სანაცვლო ვალდებულებების შესრულებაზე.

10. ხელშეკრულების შესრულების გარანტია

10.1 ხელშეკრულების შესრულების უზრუნველყოფის მიზნით ხელშეკრულების შესრულების გარანტია არ გამოიყენება.

11. ხელშეკრულების პირობების გადასინჯვის შესაძლებლობა

11.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

11.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა

აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. ფორს-მაჟორი

13.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწეოს შესაბამისი დროით, გარემოებათა დასრულების შემდეგ.

13.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების პირობების შესრულების კონტროლი

15.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

15.2. ხელშეკრულების პირობების შესრულების კონტროლს შემსყიდველის მხრიდან განახორციელებს თანამშრომელთა ჯგუფი შემდეგი შემადგენლობით:

15.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

15.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

16.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

16.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

16.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

17. მხარეთა იურიდიული მისამართები და რეკვიზიტები

„შემსყიდველი“

„მომწოდებელი“

ქ. თბილისის მთაწმინდის რაიონის
გამგეობა ს/კოდი: 204521954
მის: ძმ. ზუბალაშვილების ქ. №48.
სს „ლიბერთი ბანკი“ ცენტრ. ფილიალი
ა/ა № GE95LB0125152101627000
ბანკის კოდი LBRTGE22

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, მთაწმინდის რაიონის გამგეობა, ძმ. ზუბალაშვილების ქ. №48, სატენდერო კომისიის აპარატის წევრი – დავით კასრაძე. ტელ: 237 29 83; 577 15 88 38. ელ. ფოსტა. d.kasradze@tbilisi.gov.ge

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- * ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
- * ჩემთვის ცნობილია რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
- * სატენდერო წინადადების ფასი;
- * სატენდერო წინადადების ფასის გამოთვლის მეთოდი, კოეფიციენტი ან ფორმულა;
- * სატენდერო წინადადების წარდგენა ან წარდგენისგან თავის შეკავება;
- * ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
- * შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

დანართი №2

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

ხელმოწერა

დანართი №3

ინფორმაცია 2011 წლის 1 იანვრიდან განხორციელებული ანალოგიური მომსახურების შესახებ.

№	მომსახურების დასახელება	შემსყიდველის დასახელება და სატენდერო განცხადების ნომერი	ხელშეკრულებ ის ღირებულება	ფაქტიურად გაწეული მომსახურების ღირებულება	მომსახურების გაწევის პერიოდი
1					
2					
.					
	სულ				

შენიშვნა: პრეტენდენტს აღნიშნულ პერიოდში უნდა ქონდეს მინიმუმ 50000 (ორმოცდაათათასი) ლარის ანალოგიური მომსახურების (საპროექტო დოკუმენტაციის შედგენა) გაწევის გამოცდილება.

ხელმოწერა

დანართი №4

მთაწმინდის რაიონის ტერიტორიაზე (კოჯორი, კიკეთი, შინდისი, ოქროყანა) გზის საფარის აღდგენა-რეაბილიტაციის სამუშაოების საპროექტო დოკუმენტაციის შედგენის ფასების ცხრილი

№	დასახელება	მომსახურების ღირებულება
1	სოფ. წავეისი, ა. წერეთლის ქუჩა, I-II-ე ჩიხები	
2	სოფ. წავეისი, ფიროსმანის ქუჩა და I ჩიხი	
3	სოფ. წავეისი, გიორგი ბრწყინვალეს ქუჩა	
4	დაბა კოჯორი, გრიგოლ ორბელიანის ქუჩა (ბაქრაძის ქუჩის შემდეგ)	
5	დაბა კოჯორი, იუნკერების III ჩიხი	
6	დაბა კოჯორი, უძოს ქუჩა	
7	დაბა კოჯორი, ვაჟა ფშაველას I შესახვევი	
8	დაბა კოჯორი, ვაჟა ფშაველას IV შესახვევი	
9	დაბა კოჯორი, ვაჟა ფშაველას ქუჩა III შესახვევიდან ბოლომდე	
10	სოფ. კიკეთი, დიდების ქუჩა და I შესახვევი	
11	სოფ. კიკეთი, დიდგორის ქუჩა, I შესახ, I ჩიხი	
12	სოფ. კიკეთი, სამპანტების ქუჩა	
13	სოფ. კიკეთი, ამაღლების ქუჩა	
14	სოფ. ოქროყანა, ე. თაყაიშვილის ქუჩა	
15	სოფ. ოქროყანა, ვაჟა ფშაველას ქუჩა	
16	სოფ. შინდისი, ი. მანსვეტაშვილის ქუჩა	
17	სოფ. შინდისი, ი. მანსვეტაშვილის I და II შესახ.	
	სულ:	

ხელმოწერა